

兩朝從信錄

兩朝從信錄卷之二十七

秀水 沈國元述

七月

脩撰王應熊條議平定西南五策。一曰固本之要。一曰行師之要。一曰屯守之要。一曰進取之要。一曰勦撫之要。

公蜀人故情形利害知之甚晰談之甚詳。西蜀天險土苗雜居非無市之國也此議宜留意

蜀府長史曹大 條奏制禦之畧大約言安藺之勢地之廣隘險夷兵之強弱多寡迥異安不必勦而須以撫而兼勦之局乃爲得策

順天巡撫申用懋交代疏曰切念 薊邊而兼順撫也與

他撫臣異而年來榆關之震隣緊惟艱危之與共則今日之薊撫尤與昔日之薊撫異其必緩其征調省其供億恤其飢號止其追呼稍爲休養民力不致所在嗷嗷而後可以言撫其必簡我兵將儲我糗糧固我城垣利我器械俾匹馬不入諸夷守戎索惟謹而後可以言備其必薊門烽火無警畿民安堵無虞留有餘不盡之力聯絡關以內外百萬軍民之心而後可以壯前茅挺後勁而無悞于遠事此皆

勅書中所爲諄諄懇懇以丁寧告誡于臣而臣一片血誠所欲寸寸尺尺勉綢繆以圖報于

皇上者。雖操縵伊始。勞。蓋無奇。米。知其志之果速。與。之輻輳。何如。而奉揚。

聖天子

威靈督率所屬將吏。自不敢不躬厚以先之。剴心以繼之者也。

詔餉司。凡餉有解到各要刻期登報給發以救饑軍。

時樞輔稱五月無餉戶部又云六月已解一半互相矛盾故有此命

御史倪文煥疏論東林渠魁尚伏奉

聖旨李邦華東林高足向與李三才結爲死黨同姪李日宣狡計陰謀傾害善長周順昌竊附東林營入吏部貪橫異

常仇逐朱童蒙不安其位厚結汪文言呼吸相通又與魏大中構黨同盟逮過姑蘇留連十日以女許配婚日中罔知國法林喬林改調署選惟賄是聞縱子林堯世私藏庵觀收銀賣官鑿鑿有據都着削了藉爲民當差仍追奪誥命內有賍私狼藉者還着撫按提問追賍充餉其私創書院匾額雖去碑記猶存着禮部卽時毀碎回奏以爲植徒聚黨之戒

其疏曰自東林以假道學黃鼓呼朋引類桃脂正人乃就一己之功名沈埋數十年之公論焉

聖主之修民久矣幸天騰

皇上宸衷潛奸屏逐不一庶幾仕路澄清再見中天之宇宙然狐鼠勢伏實煩有使在今日爲漏網在此日爲

明毒爲翻局以臣所觀聞尚有數人爲原任兵部侍郎

李邦華以東林高足。昔年與李三才。諸人爲死黨。辛亥一察。頗害善類。錮之長林。豐草者不知幾何人。至今清流短氣。貞士磨心。當年號稱五鬼之首。今四鬼俱竄。而五鬼尚逍遙爲伏莽。舉朝人心之所不快也。且邦華之位。李日宣爲御史時。實邪害正。壬戌一察。凡鄒元標諸人所愛。而欲加諸膝。惡而欲墮諸淵者。昔日宣陰爲謀主。招搖

長安。必待計事已定。然後徐出。春明。作爲迴避。而邦華來矣。復與趙南星。魏大中。等。衆言陰謀。伎計。險。表。毒。勝。辣。手。善。類。又爲之一空矣。故邦華之有日宣。如虎之傳翼。今雖偷視息。奈安知不勾連南北。詭召彼黨。通消息于長安。暗弄其端。雲伏雨之。伸于邪。至于源任文選。司員外周順昌者。初以腰州司理。肆鼓上官。領陷察友代。掛吏議。祇因竊附東林。得升吏部。與魏大中結黨同盟。恨科臣朱童蒙。抗諭鄒元標。講學一疏。遂將童蒙。削籍。蘇松道。爾時周順昌居里。于童蒙。則部民也。乃與魏大中。南北交通。謀所以去之。首倡亂民。袒造謗。揭使童蒙不安其位而去。且去年汪文書廷杖圓南。客居儀真時。爲扁舟與順昌。曾十站蘇白門之間。謀傾孫路。走散都門。呼吸相通。後文書被逮。而順

昌慶托之使、給釋于途、謀所以出之、即如近日又聞選魏大中于姑蘇爲十日之飲、大中以一子托祇而順昌以女許婚焉、此其意欲何爲、益日中也無皇上矣、至于在吏部時、給假南歸、至一大船、貨貨充溢、壓沉一舟、狼藉河干、自鎮崇露通州之人、至今掩口、又其貪橫之一端耳、原任吏部文選員外林枝橋、體質既庸、無一善狀、徒以奸黨勢援、遂叨是職、有謂于林堯世于正陽門外、私設菴觀、收銀立票者、有謂江都主簿賴謂紹興用川薦托朱火房、送銀一千五百兩、得升河陽知縣者、有大府判者有謂寶托朱火房、送銀一千二百兩、升縣子一百五十兩、號稱五千兩者、有謂鄧托施火房、送金縣主簿托英火房、送一千兩、換連者、長安民謠曰、雙木間大口、凡夫一千五、又非於政之大害耶、夫束休諸人其豫者、既不堪問、而吏者、又役巨額若此、乃皇上方以爲仕路已清矣、在廷諸臣亦謂黨人竄伏、庶幾無患、而不知滿朝紳士、爲國家之隱、稱者正未有歇也、且皇上嘗允科臣之請、將鄧元標等講學書院、改爲義塾、祠周已大快人心矣、今區額雖更、各碑仍堅、是不惑人

心而反爲假學留一赤轍武代乞
皇上懲始必終銷萌杜弊將李邦華分別定分並新
救禮部將舊講院石碑立行毀碎則在仕路肅清黨類
永息而太平可長保矣

賜吏部尚書崔景榮馳駟歸候病痊起用

兵部酌議旅順駐防定畫先是登萊巡撫武之望題旅順
漸成可守等事奉

聖旨兵部知道欽此又該撫

題爲殘兵被撤急請兵馬以保危疆事等因奉

聖旨該部知道欽此又該撫

題爲東鎮回文有據信防應照敕書伏乞

敕下並加酌議以便遵守等因奉

聖旨是、兵部並加酌議具復、欽此。通抄到部、送司案呈到部、照得海外之事論者多端、非過信則過疑、今內議未定、而外勢已更矣。敢推本末、酌爲平論、與中外文武盡剖前疑、一開新局、可乎。當毛帥之徘徊各島也、豈真相奴要害、惟敵是求、夫亦騎虎之勢、姑苟安焉、以觀時變、而流竄相依、漸乃成聚、將軍于是乎有生氣、有幸心、而登陸以探之、乘夜以試之、間有斬獲、張而大之。

廟堂之上、亦不得不過情獎許、耀威遠方、或一道也。俄而分曹漸廣、哨瞭漸西、因旅順之弃地、而喙息焉。見金州之沃土、而垂涎焉。豔恢復之高名、而先手焉。意他鎮之坐糜

大足高
臣于宜所
宜有

而傲睨焉。志本大而氣亦張。則眈視乎同列。局已闢而力不副。則歸怨于比隣。東之于登也。卒多激詞。而登之于東也。認爲諷語。豈待今日而知尾之大足之高乎。傾者撫臣以張振之節制。屬登而爲額餉慮。以南關之挑築。責登而爲經費籌。科臣王夢尹。臺臣汪侔。亦鯁鯁難之。科臣李魯生。則又切切然急之。逮東將至。殘兵撤撫。臣不勝詫異。而臺臣汪侔。科臣葉有聲。亦不勝疑。于是有協和之請。有詰問之請。議論幾同築舍。總屬忠謀。事勢有似搏沙。要非急著。今鎮臣楊已至。而撫臣

疏再入矣。臣有平論于此。夫文龍者。以爲征勦之大兵。而

冒險以窺老寨。越遠以襲新城。則誣也。以爲牽制之遊兵。而練舟師以習水熟海道。以通關。則不爲多矣。以爲撫招之地。然而護難民。無使爲奴。盡致降民。無使爲奴。用則更不可少矣。此東鎮之平論矣。若夫用兵之道。我爲正。則未可戰者。必先言守。我爲客。則未可戰者。并勿輕言守。旅順之撤。張盤原屬倖功。毛帥侈遠畧。而命將往事。自非鑒前事而轍兵。改圖甚切。南關之工作。更不待言。善乎撫臣語。鎮臣曰。左右肩背。接連之島。度量遠近。圖爲退步。當爲安宅。試觀毛帥孤懸海外。寧不至險。然惟至險。所以至安。制人不制于人。毛帥所長者。專在于是。故崖欲其近也。不欲

其遠兵欲其遊也。不欲其札。今宜令張板暫屯近島。爲楊帥前鋒。養威蓄力。以待大舉。或風日可乘。不時遊兵。亦不得輕騎深入。致有疎虞。其挑濬長城子鹽場口。不費多金。不延時日。鎮臣經畫已見一斑。宜定爲張板哨之地。冬月冰堅。仍撤四島。至毛帥動據撫臣微言。張板膚慙。似乎抗旨矣。然該鎮發文回登。則四月中旬事也。所回者則臣部二月未旬未用張板時。

旨也。大率自部咨撫。自撫行鎮。約四十日。則張繼善之調遣固已在先。回文不及張板。必非有意。至五月十九日而繼善等突驅兵民以去。則各弁自爭此遺黎而不知主將。

之體已傷矣。又半月而發牌清野，非各弁之矯以飭奸，卽該鎮之善于處過，其口有藉可無問也。第究觀情勢，則繼善實視旅順爲畏途，而反托張振之爭駐以速其歸。東鎮實置旅順于度外，而反乘部。

題之改屬以掩其弃，臣有以知其不來，然來守不必也。來哨不可少也。

請再爲二臣平之。搶金掠女之人，應在各島。東鎮所據總屬傳言，在東不必信爲有。在登不必爲張盤而揣摩百出。歸咎有功，陳國才之言亦何足怪。旣東鎮之征辦鑿鑿而有功，自當末減矣。么麼國才置之不校可也。卽如去歲鎮

糧一事其爲府廳扣稽領委侵匿總不可知

封疆若輩固多安保登廳之盡賢東委之盡善而動氣傷心兩不相下乎故張板之詈辱亦或板自言之繼善告鎮臣之言未必卽張板告撫臣之言今東登信地從此定矣願相更始勿聽細人察理原情恕心平氣無開天下以疑不和之議亦無示海外以不可知之端是所望于中外之通達

國體者伏候

命下行令各該撫鎮速克長城等工食張板設哨其旅順南關姑且停工令兩鎮會哨其餘信地悉依原餉悉依原

派不必更張。曾有功既無別項情由。罪止援遷。聽該鎮自行軍法。

賜黃洪憲祭一壇。仍給合葬。以酬講讀之勞。

選駙馬。劉有福尚。六公主。齊贊元尚。七公主。

劉有福、十五歲、八月十五午時生、父劉宗正、母鄭氏、
齊贊元、十四歲、十一月廿六日子時生、父齊敬、

八月

歷代通鑑輯覽

御史石三畏上言臣稽京察于今徵三變矣辛亥一案村

始于李三才結連顧憲成攪番世界王箇謀大拜假書一
帋激素望隆重偏听使氣之孫丕揚于是尋一隻手障天
者可布彌天之陣遂相與傾附曹于汴以其能串胡芥出
灰力護王之翰王林把握定也故雖已非常少而不顧雖
既管外察而不恤湯兆京王宗賢朋比爲奸一時正人如
喬應甲劉國縉暨玳京堂王紹徽輩驅逐必盡許弘綱幾
欲調停便見排擠徐兆魁屢疏糾正又見柳榆南中賴丁
賓董可威等主持不至傾覆然岌岌矣此一亂也幸而天

心厭亂數極則返變而爲丁巳一案有一世山斗海內師表之李鉞鄭繼芳提衡于上孫紹吉韓浚趙士謨諸賢分理于下掌南察者又得於倫等咸稱平允衆正盈廷群小奪魄一時宵小如五鬼等輩抱頭鼠竄詩所云白雲漣漣見晚自消意在此時乎夫何正人之心嘗淡淡則不相比附邪人之心常濃濃則爲勾連暗中伏竄險處設機延至癸亥一案從千謀百計中擁載一窮天極地之大惡趙南星助以賍貪之張問達群小在局外遙制其柄局內者不得自專流毒播虐天日爲黑而南察應陳陞掌管王允成等惡其不便已私計令外轉而驟用察處之涂一榛與王

象春、狂逞、簌弄、南北正人、一網打盡、物故者、無容置喙、其
借察害正曹于沐等諸人、未經刑斥者、作何究處、管察于
允丁賓等、未經起用者、作何優異、被察諸人於倫等、未盡
洗錄者、作何拔置、務期徹底清查。毅然施行、國運幸甚。
科臣吳國華直糾貪險部郎曹欽程、奉

聖旨、曹欽程既以力攻群黨、况見在陵工督理、不必苛求。
周詩雅、熊江、作令時、大千物議、近乃屢登荐舉、非緣行賄。
定是徇情、吳國華如何顛倒任意、顯是徇情報復、周詩雅
熊江、吳國華、都着革了職、爲民當差、仍追奪誥命。

疏言曹欽程少年狎比、僻優浪遊、荆楚、并周十二爲義
父、已不齒于士林矣、及其令吳江也、所信皆書寵任、究

皂視富民為奇貨，倚車吏為外府，人命囓賄，勢至千餘
詞訟索賄，輒踰數百，唇饑民之拾原巨室，因以一空，激
運軍之鼓躁，冠服幾乎盡毀，各有主名，不勝臚列，臣當
年奉使往還，時一再過其地，親見扑殺累累，家啼戶號，
常私嘆曰：天下有如此狠吏，居民上耶？后聞竟盜庫金
若數千以去，致撫臣彈劾，且監其親屬追比，以為可永
刑矣，詎意冤脫，極巧蠅營轉工，遂附炎炎之勢，結汪文
言為義兄，仍求其女四姐為養女，自是交情濃熱，力求
速化，司數月旋晉工曹，越至局改社，臨免警騰落，
聖治一新之蹶出矣，若謂所舉者半是波辭，所推者悉
係名流，便可附正人君子之列，庸知反及其同類報伏
其私仇，總止是先發制人之計，吾誰欺？欺天乎？吳門之
士，庶堪欺乎？通國之耳目堪欺乎？又且凌轅同邑，自肥
為夜郎王，必欲阻卑可若台諫之路，而暗肆中傷，則
毒甚也，倣視同列，自認為遼東系，必欲奪李譏亭
陵工之差，而曲加排擠，則狠甚也，百計盜公家之金錢，
陵工未竟，而謀管木廠物工價，一切抽取，罔念日鍊之
罰，非即平墾工食加二扣散之故習乎？千金要劉弁之
嬌女，正室不容，而寄之他所，長班皂隸俱得入閨，問頗
曉簿之瑣，非即淮楊買妾久泊關門之故習乎？汪文言

或曰此輩
皆正之言
不必錄不
錄使人不
知其詳

臨歿語人曰吾罪惡貫盈忝提不在獨曹欽程爲吾所
援引以有今日而亦倒戈相向吾死不瞑目亦是爲天
伏之實証矣猶且揚揚得志瞞天說謊某當路是吾家
獎某金吾是吾通家到處誇張逢人煽惑假以籍長安
之口而孰知暗有識之羞哉以司牧則如狼如虎以立
朝則如是如賊以曹郎侵台諫之權阮罪在羅台以冠
裳工徂俗之行又罪在陰蔽官繩部署而藏械獨深人
號痴類而流刑甚烈則欽程之檢邪可輕貸乎
參欽程事多真的

追奪李朴于玉立詰贈

御史張訥請廢天下講壇

先是科臣李養生請以首善書院改作忠臣祠已得
俞旨竊照書院房地原係本城大時雍坊官房先該憲
臣鄒元標馮從吾聚徒講學占作書院而又鳩斂十三
道公費銀二百餘兩蓋造此院據去輔業向高碑文所
記者也成查此時正廣寧失陷之後川貴告變之始又
山東妖寇倡亂之際

主憂臣辱少具有血性者孰不思臥薪嘗膽極力救焚而乃高足濶步立戶分門據都城扼要之區標榜商賈徵文勒石群然孔孟相推不但清談廢事置

國恤于罔聞而當呼吸安危中外洶洶之時笑口高談冷眼旁觀其幸災樂禍之爲無

君無父不道之甚者也賴有諫垣諸臣如朱童蒙郭允

厚郭熙治呂言力排主盟解散而三臣禍不旋踵其結連之勢党與之繁固已布滿要地矣自是而後盤踞要

津之魁合私交繁典任其主持人位恣其擅取而皆書院爲之招也故計海內之爲書院者其最盛有曰如東林

如開中如江右如徽州不爲不林立矣而若輩以爲散處于野不若彙聚于

朝可以建鼓登壇惟所號召故官偏處此以與皇上爭統一之大權吁彼心良亦無解也茲幸

軋剛大奮離照當天闢邪党而禁私門天下曉然知化育柔以遵王路世道漸次澄清而新舊言路諸臣皆能

駁邪指佞日無虛牘臣何敢更有贅求但書院敝改適職巡視因思根本塞源尚有假于中者不敢不以入告

也蓋今日之邪党昭明然皆古風望氣依草附木所謂脅從之流借以驟取顯位者耳若夫號爲南北士閥手

執告耳。互相雄長。如孫慎行。馮從吾。余懋宣。三大頭目。尚無恙也。某林書院。其來久矣。乃李三才科飲東南財賦。竭小民膏血。爲之修建者。良田美宅。不下數十萬金。孫慎行與高攀龍輩。密穴其中。肆行穢事。其用以交結津要。納賄營私。皆是物也。如租田戶。脫逃。漏粮。千余。後來硬不完納。近日借口災傷。逋欠尤多。有司不敢問。幸酉鄉闢賄。賄買舉人。以洪范七字賄通閭閻。而孫高子弟。並列賢書。此而可爲。孰不可爲乎。且慎行窩盜有據。縱妻侄李大爲盜。當卽捕獲。却怒辱張縣丞。又詐騙七百多金。竟致之死。及李大行劫丹陽再犯。而慎行若無以解。其惟誕不經。如自誇成仙。常有金甲四神看守。未來先知。一日驚說。

神宗差人來捉。賴金甲報知。避過。鄉人謂爲大奇。倘果有之。

神廟在天之靈。終未忘此好也。閩中書院。原係稅監張永所置私第也。秦慈秦怨。爲排國中。永亡之後。馮從吾占爲書院。并永所侵官地民田。計千百畝。盡歸院。藉蓋此郡鳩之藏。豈止盜泉之水。而從吾居之不疑。理學固如是耶。乃從吾居家居鄉。克穡種種。如暹死胞兄。卽吞謀。狐任中。取其腹田四十畝。而以邊。確與之。至其任。亦

憤死。一富室曾托以遺孤，即罄奪其產，至與一貧士爭分，豈有此哉！天倫昧人理，而儼列衣冠者，頃猶恣口橫議，通書京都，膺制當路，張牙露爪，謀欲翻案，未已也。至其爲陝民害也，每日聚講，動費府縣供給，彼此來往皆驛，連應付，如河東巡鹽，例不入陝城，非有以合講而入者，長寧二縣費至二千余金。道路忍騰，賤蜀人經遊聞之最真也。徽州書院，則皆富家巨賈，走集洪輪，其費更巨萬，而以余懋衡主之，群不逞之徒附之，所謂銅山金穴，爭趨如鶩，而年來鄭三俊、甲茂良輩，拾綴而登，皆于此半得力也。若江右書院，其來更遠，原自有理學一派，清議所自出，而無奈鄒元標出，山潦到，反借氣勢于東林，牽引于西北，至劉一原、徐炳漢當國，攪亂清而群党亦少散漫，置之不論可也。蓋書院雖有數，而脉絡總之一條，南北相距，不知凡千里，而與雲生咫尺，澤可以行天，朝野相型，不知凡千輩，而後動前示，高自爲叫應，其人自縉紳外，宗室武弁，舉監儒吏，星相山人，商賈技藝，至亡命罪徒，無所不收，其事則遙制，朝報舉肘，迨鎮把持，有司武斷鄉曲，無所不爲，其言凡內而彈章，建白，外而舉劾，條陳，書揭文移，自按審重情。

以及詞訟細事無所不開說數年以來民生不得安堵

朝廷不得收正人之用而受嘉言之益謂非若輩之所
崇貴而不特此也其巧借最大題目以箝制正人一空

移宮敢干啓露宮闕首發大難而一時聚所件件翻騰
清世直貽

兩相以不自而虧損

皇上之孝思今照改正實錄宣布史官禮部

先朝可終置不問乎伏乞

勅下各省直撫按官但凡有書院處所盡數撤改將房

屋田土逐一登報並行估計變價解助

大下不許隱漏其或見任官員再有枉道合議驛擾一

方者嚴加禁止頃聞王之案史記事革彼制即藉以迫

驛數多勾連隔縣公然發罪馳驛人民苦之一隔傳憲

臣喬應平議撫其地始不敢動夫地方有嚴正風望之

撫而邪黨聞風縮足則為撫按者驅邪除害豈異人任

事若孫慎行焉從吾余趙衡三大頭目位尊勢重未經

處分恐根株不拔別復孽孽為害更烈惟冀

聖朝立我、使聖庭播火、法不貸于渠魁、而一道同風、舉世歸于

皇極、將所同死、難諸臣莫不含笑九原曰、吾等殞身殉國、死有餘榮、若輩罔

上行私、生有餘辱、其爲勸忠貞而維世教、關係尤大矣、敬循我掌、詳究書院之害、詰涉冗長、並懇

聖恩鑒宥施行、

上御經筵、面諭閣臣等、楊漣罪惡多端、今雖在獄身故、其未完贖私、行彼處撫按立限追比、

賜黔國公沐昌祚特進光祿大夫右柱國大師、祭十六壇工部給價差官造坎、兵部行文該省護送喪柩至南京祖塋安塋、仍與議謚、

周如盤、丁紹軾、黃立極、馮銓俱入閣辦事、

立金性

時海外

獻俘中途更換戶科楊文岳上疏請

勅部嚴查以核軍功其畧曰聞毛文龍春初折木城等處
之戰俘獲多功舉

朝言之無不色動頃接登撫武之望疏云七月初旬毛文
龍差官江崇教等各解到首級一百二十顆活夷三十一
名內遊擊董武周所解七名到中路逝去二名當卽拿獲
其一名情急而死又云董武周稟稱所解七名行到廣鹿
島忽毛帥差官毛承選解活夷六名趕來持令箭稱前達

俘六王子營家。今有機密重情。着速將前達換回。朕讀之不勝疑慮。不勝驚悚。夫以兵家之事。數千里之外。風濤海浪之中。須萬分隄防。始保無事。乃解官疎虞。致俘夷使。而逃逝而歿。徒斬首以報。斯其真偽。已不可知矣。至更換一事。猶屬大異矣。獻俘之事。奏之。

皇上告之。

宗祖用以遠播威德。明示寵綏。此何等大事。爲毛帥計。果係臨陣所擒。卽前解已行。后有俘獲。不妨陸續解報。倘或來機用計。事干隱密。必欲生此數夷。借以爲鼎。亦宜別其名數密具。

皇上陳其機密之情，揭其慎重之意，乞以暫留東奴，未嘗驟至，乃不憑符信，不聞移。

奏忽然解來，忽然換去，人不同，名姓不一。前解者不審，何以處發？后換者不知何處得來。一生一殺，倏更倏易。生既不重殺，亦不威如此事情，真同兒戲。豈毛帥所以按罪致誅。

奏凱勦王者，而可听其若是乎？又豈

皇上所以宣威四海，頒示天下者，而可听其若是乎？此等舉動，以報功則似混，以對

皇上則似欺。以嚴邊情則大易，萬一狡奴設計，探我動靜，

兩朝從信金 卷二十一
乘機挾詐因而用我人以示假既合舉以示真驟然追來
一時莫辨而解官混混若此不猶可深慮乎然此亦憑解
官與通官之言耳就其前後應時支吾不一彼繁累而來
前之解者真耶假耶後之換者真耶假耶以彼代此以
代生其逃或者在未換之前耶在既換之後耶皆不可得
而知也其解其換俱出童武周一弁之手且登撫疏末云
外議嘖嘖猶有不敢盡言者恐解官中有別情今俘夷將
報功旦夕此係邊疆大事臣不可不核實而深計之也伏
乞

皇上嚴勅該部查審真偽令速行回奏方議紀錄仍論毛

文龍以後開報軍情須急加敬慎務求真實以副
朝廷委任責成之意庶人心知懼矣
樞輔孫承宗汰開門冗兵歲省餉七萬有奇
冊封任氏爲容妃

諭內閣

聖諭朕惟踐祚以來日夕兢兢思復

祖宗封疆奉行

祖宗法度共與二三大臣及諸百職事三令五申至諄切
矣念日今逆奴內犯遼左戒嚴我

皇祖特起熊廷弼于田間授以經畧賜之尚方賜之璘王

寵極人臣、義當盡瘁、乃廷弼欺朕卽位之初、始則托病卸肩、袁應泰而遼陽亡、既則剛愎不仁、望風先逃、而河西失、當是之時、不知費國家幾百萬金錢、喪軍民幾百萬性命、而征兵西蜀、則西蜀變、風聞山東、則山東亂、至今黔中尚岌岌未寧、斯其罪難擢髮數矣、迨三尺莫追、復百計鑽求、其罪甚則有周朝瑞十日四疏以救、有顧大章妄謂罪屬可矜、而又托奸徒汪文言內探消息、外入楊漣、左光斗、魏大中表化中之幕、囑令遺書求解、諸奸受賂、動以萬千、又安問

祖宗疆土與

祖宗法度哉。朕深切痛恨，已將楊漣等置之于理。頃八月二十一日，于文華殿日講畢，卿等五員獻刊行有像遼東傳一冊，出諸臣袖中，合詞奏曰：「此廷弼所作，掩飾誇功，希圖脫罪。朕親覽之，監髮切齒，此蓋廷弼奸謀不得肆行于朝，今又敢以流言煽惑于野，且心懷不軌，辱國喪師，惡貫滿盈，罪在不赦。而又刊書惑衆，情益難容。况屢經言官郭興治門克新、石三畏、周洪謨等形諸于章疏，再四詳繹，宜亟加兩觀之誅，庶大快萬民之憤。」卿等既擬論來，具見獻書忠懇至意，朕甚嘉焉。卿等卽傳示刑部等衙門，着便會官速決了，以爲人臣辱國偷生、罔上不忠者之戒。特諭。

刑部奉

決應廷弼

聖旨、熊廷弼罪惡貫盈、既已正法、還着傳首九邊、示衆、仍
追奪誥命、家屬人等、着緝事衙門、及五城兵馬、卽時驅逐
出境、不許潛住京師、如有疎縱、一併嚴究、不饒、

特魏忠賢以妖書謀逆等事、坐將應陽、乃徵華奸之資、
而廷弼之死、速矣、

九月

御史張繼孟謹陳江防八要一察官吏一清盜源一稽賊

一嚴會哨一足兵食一肅鹽捕一嚴操練一除民害

清盜源以靖江海臣訪孟河地方江海交匯之處素為盜賊淵藪每冬春水涸回空艤艘及民間貨艇悉由此河以達三吳一入于口窺伺劫掠猖獗特甚至于瓜州京口等處夏秋潮水泛濫二三壯丁撐駕小艇作扮漁艇傍晚泊于岸邊遇有赴艇孤客急欲渡江者探有貨囊賺入大洋不知所終又有一等雙棹沙艇專泊劉河崇明孟河京口瓜州儀真各港口交通積年埠頭經紀攬裝客貨至夜深僻地或勾引賊艇或謀殺商人往往有之皆由不肖營官受其常例任伊出沒實為江上厲階且以江南吳淞劉河等港正與江北狼山等營對峙出巡官兵與賊艇對敵追趕或至南北信地賊艇拋棄財物不肖官兵利其所有不行并力擒拏縱放橫行養盜貽害莫此為甚以至夾帶硝磺蘇木等物出海通夷回則載犀角象牙馬尾等番貨而來則此輩夷之防又

不可不慎也所宜令各注防海防及各州縣并各營官
 兵有能潔身任事悉防宗倫養大盜及通番私艇即行
 獎賞紀錄如周循積習仍蹈前項諸弊者事發之日除
 正犯以律議寬外各任職守官分別恭處務戰艦以實
 信地邇來將官優游解怠派信官兵姓名文冊絕不出
 江一查任舵兵安坐私家泊船港口或令一人看守似
 此曠役仍行造冊支撥上下相蒙不獨有假而官哨不
 知即船泊岸次經風日保無不朽壞乎如近日狼山周
 橋營兵船百隻見雖修補而無絲毫信舵五斷不能
 水棲彼有責伊擒獲庸可得耶所宜令各營船兵時時
 苦蓋船隻住以為家遇有盜賊出信奮力擒獲仍一面
 放砲鳴鑼知會鄰信船兵協攻追勦一有擒獲有功員
 役分別獎賞如有船無兵以圖淺薄及有兵無船雇募
 應點者查出以軍法究處嚴會哨等官率兵駕船
 遶週原設會哨之所令南北各營總哨等官率兵駕船
 每五日一次會于適中之地隨用私記印戳于哨單哨
 薄其南北上下將領官亦令每半月會哨一次徐至附
 近有司用印鈐蓋使官兵遊巡江上以嚴軍勢以銷盜
 甚善也邇來將官懈惰總哨偷安預將哨兵差一兵持
 一帖齎赴有司請印到期亦令一兵執簿填寫了事官

兵交誤何以巡檢所宜行南北各營將官嚴令總哨悉
 遵舊規如則駕船會哨附近有司又驗人船俱到方准
 用印各兵俱要南北而會互相用戩如仍前因循欺瞞
 除哨兵以軍法行事外將領參究用印有司並行議處
 是兵食以實營伍年來疆圉多故兼以水旱頻仍欲防
 不虞則無如練兵足餉為實着乃近有不肖將領希圖
 兵糧任情占役以致營伍空虛且慣于冷補熱補之法
 一遇巡閱緩則借彼應此急則募民頂兵一旦有倣將
 何恃而不恐又有不肖將領減耗兵糧致激鼓譟往往
 有之至于伍替衛兵糧在原編州縣有司征給每雙月
 填簿報查迨末歷年延遲拖欠全不依期解發致令營
 官申請軍兵泣訴至所報支解數目漫無稽考此係兵
 食大計毫不容緩者所宜行各該掌印官速查應給其
 營衛糧餉銀兩并以前拖欠者盡數征解以憑支給毋
 容奸猾糧餉侵欺如仍前拖欠者盡數征解以憑支給毋
 益捕緝以緝鹽徒訪得沿江近海處所有等鹽徒撐駕四
 槳快船出沒江洋公然無忌名為鹽徒實行劫掠事發
 自認私販問罪結局事完隨復入夥肆劫商船是鹽徒
 即強盜也蓋緣巡鹽員役或養盜分贓或月受常例甚
 而坐駕小船指名盤詰打劫商貨是鹽捕矣一強盜矣

各府州縣印官嚴責鹽捕員役務于各該地方晝夜巡緝遇有盜徒船隻即時擒拏如偷安不緝仍受賄縱容並借稱盤詰反行劫掠事犯之日除將正犯重究外各鹽捕官定行參處嚴操練以鼓士氣國家厚餉以養兵將原欲閑習武藝為有箇無患計取然用力在兵而將兵在將必為將領者熟于步伐精于騎射然後責兵以練習誰不率從迺來各營將領領于承平徐安作奸持帶長袖狀似儒紳舞女歌童酣恣夜飲鞍馬弓矢漫不親故出入乘輿而驛俱生肉矣一遇巡閱問托二豎即稍知操作而矢之上天入地者每令傍觀胡蘆令之乘馬則按轡徐行若不勝惴惴然夫不自閉習而徒責之兵庸可乎臣謂閱操時務須騎射通試射以觀其功力騎以觀其胆成二事兼優者給以上賞仍行紀錄如兩不相兼漫無一長者分別重輕以軍法究處庶無事而練習有儆即可無怯然矣

張公江防八要着着宜實心舉行而此尤要中之要故詳誌之以便當職者省覽

御史蔡國用條陳七事曰定相術曰儲經略曰選將領曰

曰卑軍將曰惜才臣曰尊言路曰鼓邊吏
詔推官須計開刻名不得混在木內

罷大理寺卿曹珍以刑科潘士開論之也

吏科黃承昊進劄佐銓政疏其一嚴州縣之舉其一疏部
屬之壅其一預邊才之儲其一清吏胥之弊

御史賈繼春上言逆臣身已伏辜不赦之罪未明借題之
奸當破請 蚤定爰書宣布中外疏入奉

聖旨先帝升遐朕躬嗣服父子承繼正統相傳臣子何得
居功而楊漣左光斗等妄希定策申通王安倡爲移官之
事捏造垂簾等語王安奸惡異常乘機報怨内外交結黨

衆恃強不許康妃從容奉旨而逼令踉蹌出宮

先帝體尚未寒言猶在耳漣等即有權勢固亦人臣乃弃禮忘君犯上不道至于此極使非賈繼春等疏揭明斥于前天牘朕心憬悟補封于後將始終蒙蔽恩禮有虧于朕皇考且不得爲純孝即寸斬楊漣左光斗何救于事况與魏大中周朝瑞章化中深盟固結招權納賄罔上行私黨護廷弼夥壞封疆鉄案既定猶貪其重賄力爲出脫託汪文言內探消息暗弄機關遍樹私人布滿津要壞法亂紀及汪文事發奸謀畢露自知理屈乃巧借別樣題目以掩其罪剪所忌而肆其兇信口裝誣毫無影响肺肝如見欲

金綢軫朕言念及此深切痛恨已將廷弼處決傳首九邊楊漣等雖追庄身故而顧大章係同惡之人即送法司將前後事情逐一研審取其招詞從重擬罪限十日內問結仍送鎮撫司追贓爰書既成就依這本上說的將諸奸罪狀及守正諸臣向來疏揭并近日屢次明旨俱着史臣編輯成書頒行天下垂示將來以昭朕孝思據事直書毋得回護使善惡邪正炳如日星而黨與不得借口文奸飾非惑衆其傳紀小說便着禮部行與各撫按官嚴加禁止自今以後非有部文不許擅刊書籍違者着緝事衙門訪獲治以妖言惑衆之罪

門工成賞敘諸臣存差

大學士孫承宗奏報關外哨探巡河陷沒大將奉

聖旨馬世龍調度失宜輕進取敗軍法具在姑令戴罪立功
樞輔身膺重任著一力担当督撫道將嚴加守備務要
萬全不得屢疏稱病

時關內道劉詔查報前鋒營總兵魯之甲原為東哨按
磨難民統領官兵于八月二十一日申時在屯衛起身
會同錦州駐防前鋒營參將李永先領于二十五日未
時抵三岔河原奉馬總兵傳調各營遊擊金冠等船隻
魯之甲見大船未到隨于二十六日辰時用小漁船六
隻每隻止渡七八人船小往廻不能多渡先發該協千
總馬吉爾守顧等統領有馬官兵一百五員參將李永
先發道軍備張文舉郝白演等統領有馬官兵二百九
十餘名過河先往致州去訖總兵馬世龍于二十六日
自右屯衛起程到三十七日抵柳河口見魯李二將已

李永先
道中
錢應科

發兵馬過河慮恐單弱隨差定武營都司張邦才統領
後勁左右并冲武營及該鎮標下兵四百餘名過河前
往效州應接有魯之甲邀同李永先于二十八日五鼓
又帶鎗砲手八百餘名過河在東岸州子集設礮營壘
結瑞善橋間有先發官兵于二十八日五鼓至趙州攻
城而叙賊早已知覺烽火已傳伏兵四起衆寡不抵我
兵旋即至散也達賊隨逐追到河當有魯李二將落未
下定蓋喬未成奴賊突至而前連放數砲賊亦受傷頗
多李永先手執鳥砲打放達賊數名聞河水深順裝放
不便遂頭中二刀而中一刀身中一鎗而死魯之甲亦
被殺傷相繼投水而亡中軍錢應科亦落水而歿也
兵科李魯生言自柳河覆沒利書多年就中情節終未
瞭然樞輔有疏鎖臣有報詳其語意各有異同舉其指
歸只一回護數日以來公車之積詰問責備幾無通情
矣至道路所傳率言有金自強者昔爲降虜生員今爲
歸正遊擊踪跡難異言語詭誕報稱四王子住在錦州
虜兵不滿三百我師過河遠民即殺王子殲其衆以歸
當事者輕信便欲邀此奇功以爲撒手之局而不知其
中敵人之計也兵至城下寂無人城上鼓掌大笑四
面伏兵盡起我師奔進無敢戀戰殺戮蹂躪踐枕藉于途

功既堪。生亦拘。指有言。喪官兵。幾萬。好馬數千。有言。只幾千。幾。德之。舉。我精銳。往遣之。禽。僥倖不得。駕言。東哨。所謂。按。濟。遼。安。得。此。魏。花。水。月。不。即。不。離。之。語。而。偏。之。我。氣。既。爽。我。心。必。起。懼。而。思。圖。亡。羊。補。牢。則。此。一。役。也。未。必。非。提。醒。人。心。之。具。而。轉。危。為。安。之。機。也。

皇上。明。見。萬。里。不。遠。治。具。其。溫。青。器。論。望。其。策。勵。防。守。以。固。關。為。功。不。以。少。挫。為。念。然。

聖。情。儼。成。天。話。輝。煌。爰。爰。乎。有。一。重。門。限。之。虛。緩。寇。在。門。遠。而。不。能。一。夕。安。枕。者。則。東。征。將。吏。當。何。如。欣。喜。于。德。儼。惕。于。威。各。思。報。効。以。益。前。勲。而。免。後。罪。也。乃。東。方。之。禍。害。愈。甚。懼。則。之。吉。病。愈。急。古。人。馬。革。畏。尾。與。房。討。賊。勅。臣。固。非。人。情。而。善。病。至。是。職。望。極。精。即。出。治。軍。簡。士。馬。計。軍。實。收。子。聚。進。探。瞭。其。右。屯。錦。義。之。兵。于。寧。遠。與。撫。臣。從。長。計。議。簡。道。臣。之。宿。有。才。望。者。使。之。監。軍。堅。壁。清。野。深。溝。固。壘。遏。賊。不。得。西。突。人。招。號。錢。兵。扶。寧。叩。犬。掩。屍。埋。骨。以。什。三。軍。之。氣。急。治。金。冠。壯。酒。下。赴。之。其。以。謝。河。上。遊。魂。又。移。文。毛。帥。令。之。出。奇。牽。制。使。叔。讓。顧。不。得。一。意。長。驅。庶。重。鎮。可。守。而。神。京。無。虞。上。以。舒。皇上。東。顧。之。憂。下。以。贖。輕。舉。誤。軍。之。罪。豈。非。桑。榆。之。收。

而且得以
病解也。

戶科陳序互糾大憝以清伏戎奉

聖旨孫居相身賣東林賄膺節鉞托名問餽銀至二萬一
千有奇又票取黃金九十餘兩俱有印冊可據著該撫按
提問追贓助工梅之煥以孫居相爲介紹出趙南星之門
躡巡撫入王安之幕固結私交及楊漣過麻城盤桓垂涕
黨惡異常并著削籍爲民當差仍追奪誥命

此時人情水火議論玄黃要之是非
自在久而愈明並存之可以參觀耳

御史卓遵上言巨奸之典刑旣正忠邪之流品宜分奉

聖旨熊廷弼失陷封疆已經傳首周朝瑞楊漣受賄黨護

尚在追贓楊鶴江秉謙夏之令存救有據即係同惡本當
重究姑從輕削籍爲民當差仍追奪誥命蘇琰令合中林
一柱力犯克鋒致遭排擠俱着以原官起用鄭國貞從重
議處該部知道

御史倪文煥疏薦邵輔忠劉廷元姚宗文盧謙恭孫居相
史記事夏之令李孔度奏

聖旨崔景榮東林的派倚奸細劉保爲腹心着削職爲民
仍追奪誥命李微儀曾未奉旨不准起用還着該部查核
具奏李孔度毗毗邪黨削職爲民夏之令極詆毛文龍幾
誤封疆着錦衣衛差官扭解來京究問吳世科冒濫兵餉

着錦衣衛拿送鎮撫司追庄助工一切私記私揭粘貼通
衢者着緝事衙門嚴拿究治

賜太監魏忠賢印信

削科臣解學龍詞臣侯恪職追奪誥命

時智鉅疏奏學龍言其薦劉宗周王象春王之案恪結
交魏大中魏希孟繆昌期故也

御史趙胤昌叅李璣劉懋爲門戶渠魁奉

旨削籍追奪誥命

丙寅願大章獄成刑部尚書李養正周應秋左都御史王
紹徽副都御史徐大化僉都御史潘濬大理寺少卿吳之
皞倪思輝潘文寺丞張論臣啟光孫杰等具爰書以奏曰

顧大章與已故楊漣左光斗周朝瑞魏大中袁化中汪文言皆以狂悖竊附威權慣罔上以沽名慣崇姦而謀利堂構無恙何定策之敢言社稷有君孰垂簾之可託自汪文言潛通線索致王內監突起風波斗曰目后可虞漣曰移宮宜亟直房密計疾如風雨之至令康妃踉蹌失措不知禍之自來禁裏傳呼勢如剗剗之臨即

皇妹亦號慟堪憐曾無言之可訴乘

皇上諒陰之始得以恣行快中涓報復之謀惟其所欲燭衆聽而背遺言惻先靈而虧

聖孝有臣若此法可勝誅猶且招搖作勢標榜爲名斥異

已之賈繼春片言刺骨進黨同之周朝瑞三辯銜恩曰誰
任擊排則袁化中魏大中拳勇可藉曰誰供願使則顧大
章繞指堪收角立門牆旁開徑竇吐咳雨露既饋遺之日
來咤叱風雲且陞升之在手最可恨者封疆大計亦若視
爲等閑失律元兇猶欲加之保護在熊廷弼不惜以培尅
厥入爲續命之金丹在諸姦不難以齒牙之餘顯錢神之
力量或飛書以援頰或續奏而連章百方羽翼之圖以美
法網之漏是雖谿壑之無厭亦皆門戶之招徠總之植黨
者必先假義以移宮一案爲名高而羣邪爲之響赴招權
者須樹人以救熊自助爲隱念而國法爲之弁髦獨不

思飯王猶溫。正臣子思慕未平之日。垂裳伊始。豈羣邪跋扈肆志之秋。若非洞見于一朝。幾致貽議于萬世。五載之逋誅已正。兩觀之瘵亟難逃。雖同鬼錄之先登。猶幸丹書之具在。罪惟自取。律擬從公。剖破羣疑。川彰乾斷。當天日月。盡掃魑魅之踪。募地雷霆。坐散諂訛之黨。疏入。

上詔曰。楊漣左光斗周朝瑞汪文言兇惡小人。日無法紀。素與內侍王安互相交結。妄希定策。首倡移宮。夤緣作弊。扶同奏啓。威逼康妃。虧朕孝德。又與魏大中袁化中顧大章結成一黨。紊亂朝政。明知熊廷弼失陷封疆。罪在不赦。乃敢貪其重賄。共爲營脫。巧言諫免。暗邀人心。賴

九廟神靈罪人斯得誅心定法律當情真雖已疲歿囹圄
還當戮屍都市姑從輕典以示法外之恩惠世揚同惡相
濟不得獨寬着錦衣衛差官扭解來京從重究治招詞問
擬詳明情律允愜便依議行仍遵屢旨宣付史館頒行天
下以昭朕仁孝平明之治以服天下萬世人心未幾惠世
揚逮至鎮撫司鍛鍊成獄與楊漣等同招獻上

詔曰惠世揚借汪文言交結王安擅入內直房聽其指使
同楊漣左光斗倡議移宮威逼康妃目無

先帝且黨邪害正罪狀非一寃問既明着送法司再加研
審依律從重擬罪仍宣付史館垂示將來爲人臣不忠之

戒

兩朝從信錄卷之二十八

秀水

沈國元撰

十月初一日

皇子生隆容妃父任景春錦衣衛正千戶帶俸。

禮部頒行天下慶賀

皇太子誕生表文格式

某衙門某官臣某、臣誠懼誠忤稽首頓首、上言、伏以

明德維馨、福祉延綿於寶錄、

玄穹樂眷、禎祥茂發於璿源、慶溢

宗祊、驪騰寓甸、恭惟

皇帝陛下

孝隆四海。

仁育羣生。

宵旰憂勤。總萬几而無逸。

帝親饗格。敷八政以克虔。既協氣通於神人。宜履綏申于

祚胤。

乾元爲父。甫御鴻圖之五年。

震索將男。適頒鳳曆之一日。其美吾

君有子。行歌。

主罷得人。將山川草木之生輝。自南北東西之咸悅。

恭聞

主業之敷榮愈覺葵心之罄切受

天百祥觀

帝子之生育原

聖多此封人之祝臣等無任瞻

天休

聖踴躍惟忭之至謹奉表稱

賀以

聞

川湖總督朱燮元陳會勦機宜言水西安酋向化日久忽

因蘭逆搆構用兵四年尤爾貢固者蓋緣無

主以連絡諸夷成合從之勢且見我單虛生欺藐之心各將士非不奮勇一入其境林谷深茂而戰潰元兇或入山洞或入鄰夷一時卒無撫法故雖以諸臣之戮力而猶未慰

皇上之懷臣肅將

明命嚴問無將之罪仰體

聖慈仍宣不殺之仁倘其自省以懲擒逆求贖三孽見殄一面可開顧受任專征職在討賊若非震以

天威安肯遽就戎索屆查安西地方千有餘里內則四十

八目分據要害，外則伸苗等苗爲之羽翼，計能戰獍苗不下十餘萬，自播州改流，蘭穴蕩掃，苗之東北已失二窟，今所倚爲援者，多在烏撒，而所恃爲險者，不過思圖耳。滇之正兵，須出沾益，過效良佐，開之謀，而又另布天生橋、尋甸等處，以杜其走蜀之正兵，宜臨畢節，扼諸夷合縱之區，而另抄出龍場岩，后以奪其險，黔之正兵，宜繇普定渡思臘河，徑趨逆彥巢穴，而另繇綠廣鴨池以搗其虛，粵西之兵，徑出泗城，分頭策應之方，布置既定，八道聲勢相連，臣率大兵繇遵義約定期會，鼓行竝進，俾令應接不暇，戰守兩窮，料此狡夷不難撲滅，顧遵義郡城逼近苗地，集兵匪易，

運餉尤艱自江津挽舟五日而至綦江自綦江起旱八站抵郡城較之偏阮運黔省路不相懸而險更數倍臣以移駐重綦須兵集而抵郡餉集而治兵未有當大任而可嘗試張空拳而能作事者查據戶部給發黔餉一百六十萬據該省布政司揭帖自正月則以寅支卯糧隨到隨給已去其半臣意欲取之于蜀公私罄竭實無點金之術欲分之于黔自救不贍不勝剜肉之痛竊念部議旣置臣以重地必濟臣以資糧盡餅望梅終屬無濟臣今不敢張皇妄情姑求

皇上

物下先付臣一百萬俾可經營倘憑籍

天威立致底定名爲多費其實節省也事權在握不便遷延已檄湖廣布政取三十萬兩又檄四川布政司免米十萬石暫爲料理以樹先聲外伏祈

皇上軫念俯允臣議

勅下戶兵二部卽爲給發自後不敷容臣陳練
請俾可早發期會勉其愚鈍地方幸甚

上宜兵部尚書尚第至文華殿

賜尚方劔坐蟒玉帶銀幣經畧遼東已而復接

聖諭曰朕覽卿奏有開誠布公集思廣益之語朕心嘉悅

念自逆奴發難以來、於今八載、征兵轉餉、宇內騷然、選將練軍、茫無實效、致天誅之尚緩、實人謀之不臧、特允廷推、授爾經略、文武將吏一體提衡、進止機宜、不從中剖果、能誠心任事、何事不成、公道待人、何人不奮、衆思旣集、便能擇善而從、忠益旣廣、何難同心共濟、毋徇情廢法、毋偏聽生奸、毋以意見爲聰明、毋以恩仇爲誅賞、務使將吏用命、士馬飽騰、戰可犂庭、守能堅壁、順時以動、無倖未必之功、好謀而成、無中巧嘗之計、意氣無朝盈而暮息、謀議無先漏而後行、事事經心、時時驚懼、大張撻伐之績、仰紆宵旰之憂、克踐所言、用慰朕意、功茂懋賞、朕豈有靳焉、爾往欽

哉故諭

詔勅房辦中書舍人事吳懷賢下鎮撫司獄

時血逆瑞魏忠賢竊窺神器中調
宮闈傾陷忠良市威狴狴懷賢日擊不平每聞邸報有
摘發逆謀者及楊漣二十四大罪疏擊節痛快遂加圈
詩旁註當知任守忠即時安置等語適有工部吳昌期
新勅侵冒忤瑞撤回懷賢以同鄉眼其不阿遺書稱之
有事恚心反反正不遠之句詞多激烈凡對同官及緝
紳親友并手札往來輒寓感憤義形于色詎意同官傳
應星督逆瑞矯甥也聞之切齒人告忠賢而番役恭置
懷賢左右矣陰指逆侯程遠德暗以東廠富貴將平日
圈註疏稿及書牋盡送逆瑞瑞大怒曰甚等官兒敢如
此犯我逆處他死徑差弁尉百餘席捲寓所將懷賢鄉
榜臣妾丘氏子廩監哭道昇并西席貢生程子古皆繫
之去懷賢曰我獨當之汝輩死無益於是于古得免到
廠嚴刑重掠體無完膚逆彪楊劉孫雲鶴無計獻媚誣
砌投結東林賄納左光斗等妄談
朝政矯

青挈送鎮撫司逆彪許默絕又非明炮客漢旬餘日而
懷賢已斃杖下矣妻程氏在籍驚鬱而死女及幼子道
照高勸而死舉家亡散行道傷寒遂
聖神首出其子吳道昇上書訟寃得

贈工部

主事

御史潘汝楨疏叅那部右侍郎朱世守大理寺丞楊一鵬

兵部侍郎劉萊布政陸完學

萬曆壬子間法禎初入臺中即叅劾朱世守劉崇義朱
光祚曹于汴四人為刑養喬李杜所糾辛酉冬賜闕起
復又以設學臣太甚為鄒吉水論罷至是又以片言起
用遂借門戶論列朱世守為鄒吉水一黨楊一鵬結納
世世揚得人銓曹又藉楊鍾氣頗頗轉京堂而劉崇義
張至發攻徐兆魁媚孫居相并許以紙剛趙煥監理轉
督賴素化中爭攘之力陸完學東林
健足

泰清重加懲處

何其已甚耶

兵部主事徐日久疏列總兵馬世龍貪淫驕縱請申
國法竟以此削奪爲民

十一月

旅順城成

停刑

南道梁克順疏參梅之煥撫按提問追駐趙時用陳以聞
削奪

先是論者欲生廷弼以逆罪故之煥力言以明其無亦
公道良心之所在也奈何科臣陳序已參之前季矣而
克順復爲風影之說遂以誑私至重以提追助工不
過半若趙時用則謂其曾荐廷弼陳以聞則謂其結納
楊左于高趙賀諸臣此不過借題獻
贊又無足怪

南兵部主事袁玉佩請削前任兵部尚書趙彥世廢并
勅山東鄒滕等處所築京觀路碑生祠宜盡行摧毀

言妖賊未發不能銷萌既發不能疾勦遲遲不決致賊
勢蔓延民生魚爛乃會皇入寇若非亮守孫朝肅之堅
守總兵楊摩某合兵破賊彥尚得侈口言功耶京視碑
祠適爲議者所笑即其在事之勞晉階蕃錫足矣予之
世廢則無以爲軍功勸
玉佩之論當不爲苛也

尚寶司少卿劉志選再疏叅原任禮卿孫慎行林連去輔
業向高舊家臣張問達并請前後論進藥雨疏宣付史館

志選一疏不已繼之以再
何其忍耶

經略遼東高第上言我國家居中制外邊鎮攸分故聞
一鎮之封疆必設一大將以統練兵馬鎮守本轄地方
于別鎮無相牽制自奴酋犯順以來因將遼道兵馬入衆
潰散不一暫擇其老成者量加總督二字以爲衆將之領

袖者其鎮守遼東掛印總兵照舊而未加總督二字也不
意山海中都總兵又濫加以節制五鎮及經理名色夫惟
督師樞輔及經略重臣間節制五鎮之特勅以專遣將
調兵之大權也豈間以一鎮總兵而節制別鎮總兵者乎
不過假此名色自道曰吾爲武督帥武經略也居于巡撫
總兵之上非惟獨擁驕傲不肯屑屑任操練兵馬之實職
且總攬兵官致院道顧忌而不得稽查兵領衆將畏憚而
不敢自展籌略更于封疆防禦之專責兩相耽誤矣從今
削去節制經理濫銜止用平遼將軍鎮守山海等處總兵
之銜庶職掌明而封疆有賴矣至于每一鎮設總兵統

練兵馬。又設經督軍門。正爲彈壓大將計也。蓋大將出身武弁。與文臣不同。握兵馬重權。每易爲驕蹇。故舊制總兵初見軍門。必披械參謁。于平時抑其驕悍。而不敢恣肆。臨陣遵其紀律。而不敢抗違。

祖宗朝立爲額制。必有深意矣。自往年總兵江應詔入京。夤緣要議。禮部見軍門用官銜拜帖。不披執行禮。軍門送出門。看上馬。在大將必曰。吾與軍門平交。安肯受其節制也。此變壞。

祖宗之額制。即經督軍門。不能以軍法臨大將。其體貌向其權輕矣。又何以威肅華夷而提綱文武哉。從今當查照。

通志卷之八
禮部
禮部
禮部

原定舊額盡革去近來弊輟凡總兵叅謁披執行禮舊文俱為改正體統正而紀律不紊矣

命修建均州淨樂宮

均州城內有皇都淨樂宮歷代祖宗崇重福地不戒于火著該管衙門嚴行究治城樓刻期修建

禮部接出

聖諭朕弟年已長成禮宜婚配爾部便出示京城內外官員軍民人家父母行止端謹家法整齊女子年十四至十六容貌端潔德性純美言動威儀咸合禮度者許赴官報名聽候選擇應行事宜爾部便開具來看故諭

明倫彙編

禮部

天五十月

吏部接出

聖旨朕覽皇極殿豎柱升梁工程已有次第三朝曠典於焉肇新萬世丕基成之有日惟

天地祖宗之顯祐亦內外執事之勞賢輔臣密勿贊襄區畫備至各官虔恭厥職拮据惟勤朕心嘉悅特用加恩首顧秉謙加尚書俸仍賜坐蟒一襲丁紹軾黃立極各賜蟒一襲兼官如故馮銓加太子太保餘官如故各賞銀段表裏各照新銜給與應得誥命以示眷酬內臣魏忠銳意圖謀殫精襄事况多樽節倍著苦心歲加祿米一石其督工官黃克績等各加俸一級賞銀紵絲表

裏崔呈秀陞工部右侍郎李養德加通政使楊夢寰陞太僕寺卿各賞銀紵絲表裡潘達等各賞銀

進封皇貴妃傳制謁告及百官稱賀俱免宮中禮儀照天啓五年例行

刑部接出

聖旨園扉重地屢旨戒嚴火燭主事林咨益踈玩失事降三級調外任堂上官不行申飭反稱夙夜在公成何政體姑不究李如楨身犯重辟却又不加小心并與獄官吏痛責示懲

冬至遣侯陳良弼等伯衛時春等祭長陵等陵

臨雍禮竣優敘孔聞範等三牛俱准送監

南戶部員外胡芳桂上疏自韓糾叅原任御史胡永順陸師贊易應昌房可壯并通判歐騰霄削奪

削科臣陳熙昌詞臣陳子壯職追奪 誥命

逆黨指摘試錄內有唐主失禮英主寬宥等語又該其父子參劾門戶並列後洋故也

遣行人護送大學士周如盤馳驛回藉調理

遼撫喻安性以病免歸

改田吉兵部職方司員外贊畫途東經略軍務

命各撫按刻宗藩限祿成書以便遵行

御史李時馨叅須之彥熊明遇

南星直隸
定府趙
州高邑縣
人

戊趙南星不准收贖

伴定巡撫郭尚友奏云趙南星行堅意偽口是心非進
退朝廷之權居為奇貨統均冢宰之職藉作招牌託
心腹於汪文言寄耳目于許念敬昨出時入豫過付而
為募賓講選講陞范有以小以開賄徑多金賣奸官美爵
忍君恩破格庸僂戶依門敢違輿論益以雄行逞其
拘性而以疎于濟其貪心真濁亂衆銓之規而貽臭萬
年之後者也計贓投戊罪當情符第年逾七十收贖有
例則罪窮于法矣若趙清行南星之子也王中寵南星
之外孫也唱和相應表裏為奸或時相呼或提線索則
共開募夜之局得百則百得千則千各潤貯錢之囊阿
翁明知其情乃誣繫而作啞雨犯賄通其竅似掩耳以
偷鈴即今完贖不分兩案可知受賄並為一手按法定
罪並遣何疑即家人共犯清行似在果幼之條然南星
業已收贖清行各自有贓固不得以罪坐家長從未減
也周卿潘一鳳行求枉法配當厥辜矣

刑部主事彭參疏論前任安慶知府陳標同知徐日升奉

聖旨彭參原係左光斗私人見其事敗反借題解釋前疏留中如何又來請奏并陳標徐日升都着削了職爲民當差仍追奪誥命

御史王時英疏參浙撫劉可法吏部郎中唐暉削奪

工部侍郎胡世賞開住

內言可法以結交趙南星而躡升巡撫唐暉倚仗門戶而取銓司世賞則以鑽營而得明憲試就斯時觀之其能超然免于評論之外者幾人哉

御史梁夢環疏參唐世濟開住張潑徐如翰削奪

疏中誣世濟黨邪陷正張潑爲袁化中死黨如翰獻身門戶逆網羅人至此而極矣

逮楊州知府劉鐸

僧人本福偶撰鐸贈詩三章至京師為逆黨出

王蒞民選執縣坐詩詞為訛訕

朝政下本福鎮撫司獄而并逮鐸

禮科張惟一陳關門積弊奉

聖旨這六款中關門情弊經臣宜痛加整革撫賞濫惡白騙官民且挑虜募許入張早山諸棍着巡按御史嚴究追文武和衷以克敵有濟登撫或裁或調着該部上緊從長酌議具奏

一日屯田之弊與屯本以佐餉關門後言之然不惟五丁力作不足償一丁之餉試問歸屯各軍歲費二十餘金未之或艾也即京運歲額多寡爭之遲速較之昔那曾減得分毫而徒驅坐糜之兵丁操合弁之備種餘關之外是處膏腴瓜田彌望者皆鎮將堪為養廉遠而饒者始為軍屯薄野荒蕪小民始拊生而趨利焉必若因

仍而無變計屯種之利在武弁而不在朝廷惡取此塵飯土羹乎奈之何不嚴核之也一日材官之弊夫營伍之中累累橫金者盡官也委用不由道撫一營多至百員曩見于戶科疏參者緊可知矣將官而設旂鼓白丁而營加銜詳審振練等營副將守備等官在似用不用之間居不戰不守之職甚有人浮于缺者又開正副以廣其額山人星客故舊親知群聚之以噉我公廩者實煩有徒且所領家丁多者百名少者五六十名操縱何以自由而添派之費不貲此贅疾宜員零星兵丁分部之不成一營合計之歲糜貳其國家曾易資其半臂之用而徒收往還爲乎奈之何不嚴核之也一日撫賞之弊平來不愛多金以與西虜撫者以方有事於奴耳然其積弊不勝窮也一以吃食言之酒內卓席有定額亦有定額委官一公輕或而二之報夷一千已冒却五百金分矣且庸人來去登報緩急之間悉用破之熟酒而諸虜之所不得緣毛沾者也至置買花紅總屬惡濫預指官銀以資情面更留一半以備打點此至給賞仍多刁措如九九之數應璫段者間以毛青市四五毛折之其粧花成段官裙之類莫不皆然嗟此等省法何一不還之奈朝廷且通官總委後鼓

手而提其索講數不多則獲利不重故今日加
加賞點虜之價爲挾戎若輩唆之也虜入得貨或與
惡或憚駝載仍減價而沽之乃收買之人又半屬通委
夥計如許張早山輩皆赤手窮棍不過私動撫賞之銀
買得之而仍替以幣之買撫賞之官賣者取利甚捷買
者又爭落腳價通同作弊一線串來買入而賞出之賞
出而買入之祇將
朝廷銀貨輪轉冒破而官銀如注奔赴諸奸之壑矣不
但耗餉更挑戎心柰之何不嚴核之也一日輜卓之弊
關門車營十二每營戰車一百二十輛每輛以二小車
佐之每車騾二頭大二名月餉七兩二錢詢其故則曰
馬運糧用也夫軍丁領糧近取海固月纔一次耳即師
行之日火器衣糧自有偏廂騾馱堪載此易爲者也不
過搜運輓石備公廩鋪舍之修整已耳不則貪弁用之
憫載西皮之刈獲已耳私攬商貨辦出之以規厚利已
耳其委官賄通將領作法而朦朧月餉者更多也計歲
糜二十餘萬金而留此無用之物令人不解奈之何不
嚴核之也一日軍器之弊罷不請利與空手同自入關
打造開有平石門等局歲費數萬金旗皆以一月十匠
役強半見名罷械一埋旗錢軍丁歇業而不顧領者聞

且山積矣。近日裁革幾處，畢竟此物賣却許多金錢。悉土直置之耶？即着落經手者變價還官，或造充用，亦不至出其侵冒之些須。便是壯營伍之氣色，豈便以為厲而奈之何不嚴核之也。一曰營馬之弊，招買馬匹，歲費不貲。然後次赴領之，銀尚未到手，而所領買得之馬，死且過半。豈盡馬之不善哉？其給發者，校和實路，其端則驗收者，常規之重心，而私情之謂。而故等匹官給十八兩，而或以十金六七金得之。款段羸弱，曾過而問焉，未領到手，無意饑養，即有存活。皮骨殘廢，馬益有無之數乎？且有將官駕言草料貴，若就牧場，豈王之說，而實則設法吞取馬乾者，有馬獨不殺而自歸分肥者，有閤營推派號小馬銀，而私置全馬以民充者，害之私駒並歷悉仰給于官。路道府之既多，超束而行伍之馬，群空矣。南臺裁革之說，不為無見。奈之何不嚴覈之也。

御史田景新、叅兵部侍郎唐世濟、工部侍郎王惟儉、閑住左通政王孟震、廣西布政李守俊、江西叅政蔣謹，削奪。

疏中言：唐世濟作夏嘉過盟主，為左光斗先鋒，此猶一時傾情之借景，獨証其反復幾幻。詩張閱燦，則有不可。

解者夫世濟居鄉無赫赫名所交無匪類清真恬靜
如布素其在仕途可以類推矣若襲梁夢環之故習
風吹燈嗟乎其有不被撲滅者哉至以王惟儉爲結納
當路屢膺遷轉王孟震巡視桑梓爲喬應甲所糾殺身
東林驟貶銀臺誣李守俊重貶陳子廷宗嚴高舉龍得
遷臬長蔭諱爲繆昌期莫逆交專以談訕爲業總之媚
璫無計非詭以門凡汚以賄私何以還傳擊正人之威
而博逆端之一快哉

禮科李恒茂奏陳目擊時艱奉

聖旨近來仕途壅滯皆因該部不肯任怨裁抑以致人情
日競即如收教不及三年郎署營差任意成何政體吏部
司官無缺先推遷轉太速尤非舊制莊欽鄰未滿六選破
格先升圖便已私懷亂成法孫之益阿附黨人皆學無狀
都着削了籍爲民當差仍追奪誥命扶克儉臃腫之態朕

所親見着冠帶閑住以後選郎再有不及六選借教職考選爲名擅自升遷者照莊欽鄰例重處不饒該科記着這本內楊漣左光斗竟不書名豈奏對之體姑不究尚寶司卿吳殿邦一本孤臣危言事奉

聖旨樊王家逢迎救黨誣害鄉紳借名窩訪打處多命故入人罪慘殺異常且違禁抽稅至十萬餘兩奸生貪縱可恨着削了籍爲民行廣東巡按御史并衙門李榮吳光提問追贓具奏其無辜羅織諸人遵恩詔即與查釋陳保泰着該部院從重議處

刑部奉

聖旨沈有瑞欠贓銀一萬七千兩着行原籍查追伊子沈天挺解部監比朕覽斯奏因憶張慎言周宗建提問追贓奉旨將及一載如何不見遵行地方官好生違玩併着嚴追速解限次年正月回奏

吏部奉

聖旨聶心湯貪穢著聞與韓浚輩事極可覘察處浮躁未盡其辜着削了籍爲民當差仍追奪誥命

御史張樞一本直糾邪黨事奉

聖旨陳伯友附袁化中周朝瑞而驟躋通顯薛殺中借援左光斗顧大章而至擢清華都着削了職爲民當差仍追

國朝名臣集 卷三
奉詔命

原任貴州總督蔡復一卒

戶部奉

聖旨李承恩王昇養贍地土盡數還官其截扣見年子粒銀三千七百餘兩着該部科道查收以助大工

平遼總兵毛文龍解進俘夷奉

聖旨海外頻報俘數勞績可加但不係頭目渠魁告獻未可輕舉着該部酌議行

御史徐揚先叅工部侍郎董應舉

加原任南京工部尚書丁賓太子太保賜廕建坊褒其奸

義施仁也。

安亭公慈仁爲懷而於便民利物之事無不力行如邑
鄉而賑窮恤苦如江而設渡拯溺其在南工凡河渠
橋無不修舉理及築丹陽道綿亘二百里削險使夷
石栽樹俾士商車馬如游樂郊如登坦途其工費皆設
法募助不動縣官一文尤爲奇功俸德云

十二月

兵部爲海外情形微變。屬邦携貳可虞。等事。職方司案呈送兵科抄出。武之望題前事奉

聖旨云云。欽此。欽遵。爲照國家兩大局。一在閔門。一在海外。其犄角之勢同。其所閱成敗之數同。其兩不相下而成相逼之形。又同。且以海上言之。牽制奴酋者。朝鮮也。聯絡朝鮮者。毛鎮也。駕馭毛鎮者。登撫也。傳云以相忍爲國。又云師克在和。今日者。詭譎之事起。以小不忍。成其爲大不和。撫臣與鎮臣不和。以至鎮臣與屬國之臣又不和。使敵得以伺其便而抵之。噫。此奴之利。中國之大不利。

也。蓋先是李綜之無國而有國也。文龍與有力焉。雖曰疆
以戎索。至于大典。國家豈不能馳一介往問其故。而
輕置之如綴旒然。倘亦明以封鮮之德。予毛鎮以便毛鎮
之能用鮮人耳。故使他人不和于鮮。而謂鮮人有二心。則
可不謂鮮之携二。竟以施之毛鎮。毛鎮故以豪傑自命者
也。豪傑之作用。規其大不規其細。能爲合不能爲其離。其
不竹帛焉。爲一麗紙麗參與之較。往來之厚薄。明甚。不縱
耕牧之遼人。實逼處此。以爲鮮人。樵蘇憂明甚。而嘖嘖以
爲言者。或亦少資其餽廩。牽縶以命征籍。而所云米價不
償。正如秦之輸管。借以爲沉舟之役。亦未可知。又或者營

室須知直以退爲進而所云相保無虞免守土責正守土
牧之收保借以爲破胡之役未可知但謂之守土守鮮土
乎抑守遼土乎守鉄山之謂守土乎抑守須彌島之謂守
土乎毛鎮于此必有所以審處矣今據揭報李适等之叛
主也該鎮撫不憚出徧師躡其後爲之撲滅之韓淵等之
勾奴也亦何難出多方以誤之而誘其來而鮮人所由終
始給我毋亦是疆場之事一彼一此彼有內變我則靖之
彼有外侮我則驅之使封畛五略大有寧宇正文龍今日
事耳若猶是退據深島使鮮之人日嫌于逼必不其然至
于尹義立之爲內應臣部即移文禮曹四夷館查報義立

雖未來京、無憑譯密、且義立之叛、蓋叛鮮也、且宜就鮮國
爲內應、原不須謀差

天朝而後爲內應、縱使其人其事誠有之、亦第俟其來、爲
之羈縻于此、以徐觀其變、或于其竣事而返也、付之該鎮
解俘官、伴與俱往、聽鮮人之自治、亦甚易事、其現在陪臣
令館人、槩行記訪、不得私易禁物、自有典屬者在、至云聲
東擊西、此真毛鎮慮患之用、不得不預防者、即轉而爲閑
計、自宜因而戒嚴、庶修守備、況近者柳河之缺、閔上後如
一轍、凡有守土之責者、盡法無蠱而新是圖、猶懼不及、而
尚敢爲此泄泄乎所教

皇上遠爲照獨爲斷撫不去制鎮有此一番易置將大有
一新必有國手之錚錚者後起以應其求而先聲以奪其
氣何鮮之不効順何虜之不効款而又何奴之不成擒矣
奉

聖旨聯絡屬國牽制奴酋此係毛文龍事韓潤淵尹義立
革着朝鮮國自行處分登萊撫鎮務與東江同心共濟仍
嚴飭內備訖察非常以消窺伺

以楊麒爲總兵鎮守山海經略遼東

御史倪文煥疏叅太常少卿金世俊撫按提問追贓副使
米萬鍾叅議王繼謨削奪

疏內言世俊為左魏私人萬鍾出李三才門下繼謨為王之案私黨大約以門戶視之者居多

削奪原任太僕卿馬孟貞易州道副使韓奇象原任吏科方有度

為御史王業
治所糾也

削奪歐陽調律程學程公魯冠帶閑住

為科臣葉
有聲所糾

御史何可及疏參廣西巡撫董元儒太僕少卿倪應眷削奪

疏中言董元儒陰陽反覆變詐傾危為世禍烈於時
周嘉謨庶應護漏網倪應眷才足濟惡力足文奸與左光
斗呼吸相通惟趙
南星指使是聽

禮部尚書薛三省請告從之

削奪錦衣衛李不矜周顯祚王受善等

俱以依衛門
臣永不敘用

削奪葛那彥

命楊國棟以原官充總兵官鎮守山海關南海口地方

御史陳睿謨疏叅原任吏部稽勲郎中劉廷諫文選員外

孫必顯大理少卿韋蕃削奪

疏中言廷諫一則郎耳何得罷職破格
改調吏部必顯交逆勢要營謀銓司

御史石三畏疏叅禮部侍郎周炳謨致仕南京工部尚書

沈儼炳閑住大理寺丞張廷拱削奪

言胡璠為王之案所薦來微於
無川多議廷供與土之案同門

御史盧承欽直陳當今急務奉

聖旨奸黨宜清調停宜戒這本說的是曹珍狎主邪盟董
應舉侵抗鹽政李遇知舉荐匪類獻媚東林着削了藉為
民當差仍追奪誥命其一切黨人不拘曾否處分俱着該
部院會同九卿科道從公查確集議奏請將姓名罪狀并
節次明白刊刻成書榜示海內垂斧鉞于將來以永保清
平之世

疏內言原任大理寺卿曹珍以紙解之性與鄒元德
主長安謀廣己為孔孟之罪人矣及紅丸之禍與鄒
而尤借題鼠竄幸而瓦全作何觀望工部侍郎曹珍
以薛賸之夫與余尤略使博塞上無罪已為孫叟之優

一疏之中
僅得極連
多人亦已
然矣而又
諸如輩藉
端上海內
何事不干
犯清議

孟矣。迨鼓鑄之事，權既握而尤兼錄。至於持筮政，是向
肺腸。又如兵科李遇知者，職不知其生學為何，其人然
據舊日遼局，難陳一疏。內荐史孟麟，係居鄉馬正貞李
若星鄒元標輩諸人，稱功頗品，豈非揮身門戶，欺媚東
林者乎？以上三臣，有已經白簡而未盡毀棄，有未經處
分而尚仍故物，俱非所以服人心肅國法也。至如奏
亥京察，言路秉正，諸臣惟害最酷。江西道御史施霖，有
國法久弛，三以三措辨疏，感激指陳，獲罪于舊輔臣劉
一燦，請封議謫進藥。移宮一議，不苟附和，取怨于舊
禮臣孫慎行。列奏班者兩載，而遂以浮躁處矣。一時變
察如并請教趙興邦年志，憂蘇瑛與例轉之朱童蒙徐
景濂張惟任俱蒙恩照雪。士論稱快，而標猶抱抑未
伸，豈非一人之向隅耶？職請舉東林之局勢，而整言
之，自顧憲成李三才趙南星輩，黜而外，其間力量不同
流派尊撫之勢，參惟程之權，如王圖孫慎行高攀龍輩
謂之副帥，有恃筆舌之馳騁，剝擊之勇，如曹于汴湯兆
京史記事魏大中袁化中等，謂之前茅，有身名既玷，微
滌無賴，如李鍾狗瑛遇物標陸而如黨輒收之，既先犯
大雅之端，如李朴賀煥沈正宗丁元荐等，謂之敢死軍。
人有一種人焉，可負強直之舉，脫濡沉酣之自受人推

兩車各一金
戴向隨所簪美耳目既已無主心志亦復不靈如孫丕揚鄒元標者謂之土木魔神之數臣者或身已退矣而不嚴錮其退無以壯進者之膽或人已死矣而不追論其或無以視生者之魂聖鑒精明如果職言不謬將曹珍董應舉李遇知重加斥削而仍勅六部院將一切黨人姓名罪狀榜示海內既其衆閔無地倒詔無期而後太階可因盛治無虞矣

御史趙胤昌疏論輔臣丁紹軾議遼東總兵馬世龍去留反復不忠犯人臣之大戒

刑科潘士聞疏叅大理寺少卿吳之皞四川道御史舒榮都原任山東道御史鄭宗周工部員外何顯宗削職爲民追奪誥命

御史王珙疏叅方大任問徒追贓

疏而濟
五御史駭

削奪

其疏言當丁巳京察之日長安籍紳大半謂王之案有功國本不得輕易議去徐紹吉韓浚趙士詒惟時同主察事不難以考功之法處之此足以見紹吉等之卓識定力亦可謂之無罪矣御史陳國事則謂云有罪國事者以癸亥之察爲功安得不以丁巳之察爲罪謂主癸亥之察者則趙南星張問達也謂國事爲南星問達之黨非云挺擊一案之案之罪定矣之案之罪既定而黨之系者之罪亦定御史李玄倡言于謂謂王之系爲發奸謂賈繼春爲誤聽以今觀于張差奸耶風顛耶既係風顛賈繼春不謂之誤聽果非奸賊王之系不謂發奸何憚功頌德必以之系爲社稷臣也謂玄爲之系之黨非乎王紀紅冬議則孫慎行之或實也御史王祚昌極力保之其邪可知近且指曾王差未轉太僕其呈于堂官乞怜于明友齊人璠間之行幾不覺觀是邪而鄙焉者也御史霍鏞耳日不靈技參未詳曾知東林爲何人挺擊紅丸爲何事第聽邪人指授不主挺殺

錫毒之說者不得為名御史于是藥人口吻唱狂無忌
存左光斗存楊廷諸人參黃克纘參范濟世諸君子保
索一役手口俱動是其邪而謂為者也御史楊新期黨
邪害正職不具論其深可恨者在倡開礦一議

御史劉宏光上言聖朝邪正已明奉

聖旨談自省以程國祥姻婭濫厠京兆賴良佐以李日宣
姦黨冒列清華張篤敬以王圖心腹復張邪焰都着削了
籍為民當差仍追奪誥命邵輔忠姚宗文劉廷元起用已
久着催他速來到任其餘的該部酌議具覆

跪言談自省以姻婭之程國祥多方調護得邀京兆刑
科賴良佐以李日宣極力周旋違舊制而上進南京禮
部主事張篤敬以王圖為心腹五親仗為爪牙益漸
自魏大中黃尊素等心辣手而外誰非受門戶之禍其
慘者職不暇一一忘數年孤忠自許之邵輔忠首銜不
同之姚宗文赤心白意佩付狂瀾之劉廷元主璋鼎彝

之品景星慶雲之望屢列荐剡已登啓事然攬轡未始
何時望風旆多馳邇何不速就鵷班而乃依依鳴鶴也
哉又如挺持被逐之施掾守正不阿之馬從龍與銓清
正之于倫或為同官之所推轂或為輿論之所許可
刑科蘇兆先疏奏

周希令御史蔣允儀趙廷璣例事

疏內言希令諫殺身邪黨冒列正卿蔣允儀東林渠魁
把持丁巳祭典雖經例轉未盡具奏趙廷璣例事
與援張問達
侈口軍功

文書房遍出揭帖奉

聖旨朕弟信王婚禮合用府弟着該衙門上緊修蓋務

要如法堅固毋得滲漏虛費工程該衙門知道

又揭帖奉

聖旨皇子百日日命名內閣議名來

賜工部尚書黃克績馳驛歸

改陞登萊巡撫武之望爲南兵部添設左侍郎

以島帥不受駕馭與之不和故也

御史吳裕中再糾閣臣奉

聖旨次輔丁軹軾

皇祖初起熊廷弼時即首論廷弼蓋已具先見之明足徵實心爲國今廷弼既伏厥罪神人之所共歡吳裕中乃以鄉戚兒女之情輒敢越空乘機逞其報復欺肆狂悖詆辱大臣顯與廷弼一倖肺腸與廷弼尚在何異似此擾亂本當從重嚴鞠根究與廷弼同誅姑從輕着錦衣衛掌衛

門前着寶杖一百棍，革了職，爲民當差，仍追奪誥命，該衙門知道。